



BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
PREDSTAVNIČKI DOM

**Komisija za finansije i budžet**

Broj: 01/4-011-86/03

Sarajevo, 24.01.2003. godine

**Z A P I S N I K**

**s 2. sjednice Komisije za finansije i budžet Predstavničkog doma  
Parlamentarne skupštine Bosne i Hercegovine,  
održane 24. januara 2003. godine**

Sjednica je počela u 13:00 sati.

Sjednicom je predsjedavao Nikola Špirić, predsjedavajući Komisije.

Sjednici su prisustvovali: Abdulah Nakaš, Fatima Leho, Beriz Belkić, Filip Andrić, Liljana Milićević i Mirko Blagojević, članovi Komisije.

Opravnado odsustvovali: Hazim Felić i Zlatko Lagumdžija.

Sjednici su prisustvovali: Branka Todorović, sekretar Predstavničkog doma, Vedran Hadžović, sekretar Zajedničke službe Parlamentarne skupštine BiH i Jadranka Korać, šef Računovodstva Parlamentarne skupštine BiH.

Za sjednicu je predložen i usvojen sljedeći

**D N E V N I R E D**

1. Usvajanje Zapisnika s Prve konstituirajuće sjednice Komisije
2. Dogovor o načinu rada na pripremi Izvještaja Komisije na osnovu Izvještaja Ureda za reviziju finansijskog poslovanja institucija BiH za izvršenu reviziju finansijskog poslovanja institucija Bosne i Hercegovine za 2001. godinu
3. Razno.

**Ad-1**

Na Zapisnik s Prve konstituirajuće sjednice Komisije za finansije i budžet nije bilo primjedbi.

Zapisnik je usvojen jednoglasno.

## Ad-2

### **Dogovor o načinu rada na pripremi Izvještaja Komisije na osnovu Izvještaja Ureda za reviziju finansijskog poslovanja institucija BiH za izvršenu reviziju finansijskog poslovanja institucija Bosne i Hercegovine za 2001. godinu**

Predsjedavajući je upoznao prisutne da je Ured za reviziju finansijskog poslovanja institucija BiH dostavio u avgustu 2002. godine 20 Izvještaja o izvršenoj reviziji finansijskog poslovanja za 2001. godinu institucija BiH. Komisija u prošlom sazivu na 33. sjednici održanoj 4. septembra 2002. godine započela je rad ali zbog predstojećih Opštih izbora 4. oktobra 2002. godine nije bilo moguće izvršiti obavezu prema Predstavničkom domu.

U raspravi su učestvovali: Fatima Leho, Beriz Belkić, Filip Andrić, Ljiljana Milićević, Nikola Špirić i Mirko Blagojević.

Konstatovano je da su izvještaji urađeni šablonski i da ubuduće treba predložiti Uredu za reviziju da se izvještaji dostavljaju sukcesivno po obavljenoj reviziji.

Beriz Belkić je mišljenja da bi se trebalo u skladu s odredbama člana 31. Zakona o reviziji finansijskog poslovanja institucija BiH imenovati nezavisnog Kontrolora kvaliteta koji će vršiti pregled rada Ureda generalnog revizora, a Komisija bi na osnovu člana 32.(d) navedenog Zakona dalje izvršavala svoju obavezu. Na ovaj način bi se ujedno i uspostavila veća koordinacija sa Uredom za reviziju.

Fatima Leho je predložila da se kroz izvještaje ispoštuju finansijski aspekti poslovanja i da se izvrši promopredaja zapisnički sa Komisijom prošlog saziva. Kako do sada nije bila praksa da se vrši primopredaja između radnih tijela, dogovoreno je da se članovima Komisije dostavi Zapisnik 33. sjednice Komisije prethodnog saziva i Orjentacioni radni plan Komisije za 2002. godinu gdje će se sagledati koji su planirani zadaci Komisije neizvršeni.

Filip Andrić je predložio da se kroz razmatranje Izvještaja o izvršenoj reviziji za 2002. godinu uporedo utvrdi da li su otkolonjeni nedostaci konstatovani kroz mišljenje Ureda za reviziju o izvršenoj reviziji finansijskog poslovanja institucija BiH za 2001. godinu.

**Zaključeno je** da se svim članovima komisije dostavi dopis u kome će se navesti konkretna zaduženja po svakom Izvještaju i da se do 4. februara sačine od strane izjavitelja kratki sažeci i predlože pitanja, odnosno predloži procedura sačinjavanja izvještaja za Dom. Do kraja februara Komisija bi trebala usvojiti konačni izvještaj sačinjen od strane članova komisije kao izjavitelja i dostaviti na razmatranje Predstavničkom domu.

## Ad-3

Na prijedlog predsjedavajućeg Komisije prihvaćeno je da se ubuduće vrši magnetofonsko snimanje sjednica Komisije.

Također, uz prethodnu konstataciju da Komisija nema popunjeno mjesto sekretara potrebno je hitno rješavati popunjavanje mjesta sekretara Komisije, što su članovi Komisije podržali.

Branka Todorović, sekretar Doma saopštila je da će se ispoštovati dogovor ali je istakla da će poslove sekretar voditi Emira Češljar, sekretar Komisije za vanjsku trgovinu i carine i da će joj na pomagati Jadranka Korać, šef Računovodstva.

Sekretaru Doma, na osnovu obavijesti upućenoj predsjedavajućim Komisija da se na osnovu člana 45.2. do kraja januara dostave primjedbe i mišljenja za izradu Orjentacionog radnog plana Doma za 2003. godinu, (koga utvrđuje Kolegij Predstavničkog doma u proširenom sastavu ) data je inicijativa od strane Beriza Belkića da se u Orjentacioni radni plan Predstavničkog doma za 2003. godinu pored obaveza koje su ostale iz prethodnog saziva da se za razmatranje uvrstiti svi zakone visokog predstavnika proglašeni na privremenim osnovama, Zakon o ministarstvima, Zakon o računovodstvu BiH, pitanje reorganizacije rada Parlamentarne skupština sa stanovišta organizacije, finansiranja i smještaja i Rebalans budžeta.

Predložio je da se zatraži informacija od Vijeću ministara - ministra finansija i trezora, o načinu utroška i raalizacije sredstava Zakona o Izmjenama i dopunama Budžeta institucija BiH i međunarodnih obaveza BiH za 2001. godinu naovisno od toga što je usvojen i realizoiran, imajući na umu da je cijela koncepcija Zakona o Izmjenama i dopunama Budžeta institucija BiH i međunarodnih obaveza BiH za 2001. godinu zasnovana na Zakonu o namjeni i korištenju dijela imovine koju je BiH dobila po piitanjima sukcesije koji je kasnije donesen i usvojen u drugom obliku u odnosu na tekst na osnovu koga se temeljio Rebalans budžeta.

Navedenu Inicijativu odnosno prijedlog Beriza Belkića Komisija je prihvatila.

Sjednica okončala rad u 14:00 sati.

Zapisnik sačinila  
Emira Češljar

Predsjedavajući Komisije  
dr. Nikola Špirić

